



*Sabtu, 27 Juli 2024*

**Ogen : Kuan-Kuanen 3:9-10**



**Mehamatlah Man Tuhan**



**B**as masa genduari enda si idah tempa menukah kal muat sen. I bas media sosial kalak pamer gawah-gawah ku luar negri, nukur barang-barang mewah, erbahan rumah galang, erbahan usaha "kekinian" ras sidebanna. Kepeken doni enggo berubah, reh materialistis-na. Kejayaan ras populeritas ras kebayaken enggo jadi perayaken mutlak bas kegeluhen. Sabap e kerina banci erbahanca kalak mehamat ras malang man banta. Tuhu petembil perayaken si bage ras kai siikataken i bas kitab Kuan-kuanen 3:9-10.

Kata Dibata e ngajarken kita gelah mereken ulih peranin si pemena man Tuhan. Si enda jadi pengakun maka kerina si lit i bas kita e rehna bas Tuhan nari. Mereken buah sulung e nuduhkan maka pemere man Dibata e labo saja kerna sen entah kebayaken tapi ulih pendahinta, i bas bentuk kai saja si lit bas kita. Ayat enda pe nuriken padan Tuhan, maka adi kita patuh maka idemina lumbungta alu sampur seh maka lanai siat pe. Nggo ngasup pe kita pagi mere man kalak si deban. Kalak si tek ilakokenna e mehamat man Tuhan, berena persembahen buah sulung man Dibata.

Dibata enggo mere alu sampur, keselamatan ras alat-alat nggeluh bas keselamatan e. Mari kita pe mpesikap pemereta si mehulina man bana. Konsisten lah i bas mere. Ula erdandanken situasita tapi erdandanken kesetian Tuhan si mpekena-kena kita. Ertotolah kita rusur dengen ernalem man janji Tuhan, bage me caranta mehamat man Tuhan i bas kegeluhenta sitep-tep wari. Pemere man Tuhan e sada bentuk ulih kerembaken pertendinta ras Ia. Bukti ketaaten ras keleng ateta pe.

*☞ Sabab i ja ertandu, i je pusuhndu*